

'Mu'assasada Warbaahinta ee Al-Kataib oo soo Bandhigi Doonta Dokumentari Cusub oo ku Saabsan Dhibaatooyinka Dhaqaale ee Soomaaliya'

09 Shawaal 1446H (07 April 2025) – Soddonkii sano ee u dambeeyay waxaa geyiga Soomaaliyeed ku lixaadasadey duulaanka dhaqaale ee ay dowladaha iyo hay'adaha dhaqaale ee reergalbeedka kusoo qaadeen dalkeena, iyadoo dhidibada u taagey maamulo maqaarsaar ah oo gaalada u sharciyeeya boobka hantida ummada Muslimka ah. Waxay maamuladan riddada ah dhaqaalaha dalka gacanta u geliyeen dhiig miirato ka kooban dowlado, shirkado shisheeye, maalgashadeyaal ajaanib ah iyo siyaasiyiin musuqa ku caana maala, kuwaas oo aan u aaba yeeleyn hantida umada Muslimka ah ee soomaaliyeed, dalkana ku hogaaminaya dhabaha faqriga iyo gaajada, halka ay jaangoynta go'aanada siyaasadeed ee dhaqaalaha dalka la wareegeen hay'adaha IMF iyo World Bank.

Isagoo raadraacaya hannaanka ay gaalada u jeexeen, wuxuu madaxweynaha xukuumadda riddada, Xasan Sheekh Maxamuud, dhowaan warqad u diray madaxweynaha Mareykanka, Donald Trump isagoo si shuruud la'aan ah ugu hibeynaya qeyb ka mid ah khayraadka dalka, gaar ahaan dekedaha berbera, boosaaso, iyo saldhigga Balidoogle, Waxaa ka horeeyay heshiisyo uu horay ugu saxiixay dalalka itoobiya, Turkiga iyo Imaaraatka.

Hadaba iyadoo arrimahaas laga ambaqaadayo, waxay Mu'assasada Warbaahinta ee Al-Kataib dhowaan baahin doontaa Documentary taxane ah oo ka kooban 3 xalqo, kaas oo banaanka soo dhigayo aragtida dhaqaale ee dalka lagu hagayey tobanaankii sano ee lasoo dhaafay iyo caqabadaha dhaqaale ee uu dalkeenu waajahayo.

Taxanahan loogu magac daray "**Dhagaraha Bankiga Adduunka Iyo Hay'adda IMF**" wuxuu ku baxayaa luqadaha Af Soomaliga iyo Ingiriisiga, wuxuuna daaha ka feydaya hagar daamooyinka ay hay'adaha IMF iyo World Bank ku hayaan dalalka soo kobcaya, gaar ahaan dalkeena Muslimka ah ee Soomaaliya.

Wuxuu sidoo kale taxanahan diiradda saari doonaa siyaasadaha dhaqaale ee gurraacan ee ay hay'adaha IMF iyo World Bank kusoo rogeen dalkeena, isagoo si gaar ah isu dultaagi doona waxa loogu yeero barnaamijka deyn cafinta Soomaaliya iyo canshuuraha xargaha goostay ee lagu soo rogay shacabka Muslimka ah ee Soomaaliyeed. Waxay Mu'assasada Warbaahinta ee Al-Kataib taxanahan ku soo gudbineysaa asbaabta ay Xarakada Mujaahidiinta Al-Shabaab ku diidan tahay hanaanka dhaqaalaha ee hay'adaha IMF & World Bank dalka kusoo rogeen iyo baadilnimada heshiisyada loo saxiixay.

Waxay Mu'assasada Warbaahinta ee Al-Kataib ugu baaqeysaa culimada, aqoonyahanada, ganacsatada, jaamacadaha iyo indheergaradka bulshada inay u istaagaan sidii ay uga hortagi lahaayeen boobka ku socda hantida iyo dhaqaalaha ummada Muslimka ah ee Soomaaliyeed, una kuurgalaan dirasada iyo doodaha uu taxanaha xambaarsanyahay.

Xukuumadda Riddada Soomaaliya iyo golayaasheeda ku caan baxay beenta iyo marin habaabinta bulshada, waxaa looga fadhiyaa inay ka jawaabaan xaqaa'iqda uu soo bandhigayo taxanahan. Taxanahan waxaa la baahin doonaa laga bilaabo maalinta **Arbacada** taariikhdu ku beegantahay **09 April 2025**.

Ugu dambeyn, qofkii dood ka qaba xaqaa'iqda uu xambaarsan yahay dokumentariga "**Dhagaraha Bangiga Adduunka Iyo Hay'adda IMF**" wuxuu aragtidiisa ku soo gudbin karaa E-mailka hoos ku xusan:

Al-Kataaib@proton.me
Al-Kataaib@tutamail.com



وَلِلَّهِ الْعِزَّةُ وَلِرَسُولِهِ وَلِلْمُؤْمِنِينَ وَلَكِنَّ الْمُنَافِقِينَ لَا يَعْلَمُونَ

"But honour belongs to Allaah and His Messenger, and to the Believers but the hypocrites know not"